



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lvitprandi Ticinensis Diaconi Opvscvlvm, De Vitis Romanorvm Pontificvm**

**Liutprandus <Cremonensis>**

**Mogvntiae, 1602**

Cap. VII. S. Alexander.

**urn:nbn:de:hbz:466:1-11115**



ptum morantibus scripsit, de Episcopo & Ecclesia dicens: Ecclesia iungitur Episcopo spiritualiter, velut sponsa carnaliter sponso. Et sicut vir non debet negligere vxorem suam, sed diligere, & castè custodire, & prudenter regere, ita & Episcopus debet Ecclesiam suam, & Ecclesia in omnibus obedire sicut vxor viro suo debet. Et sicut viro non licet dimittere vxorem suam, ita & Episcopo non licet dimittere Ecclesiam suam, absque ineuitabili necessitate, aut Apostolica, vel regulari mutatione, & alteri se ambitus causa coniungat. Et sicut vxori non licet dimittere virum, licet sit fornicatus, vt alterum eò viuente ducat, ita Ecclesia viuente Episcopo suo non potest alium superducere. De Episcopis verò infamatis, & à sedibus pulsis, in eadem præcepit, vt reuocentur, & integerrimè restituantur, & superducti, velut adulteri, eiiciantur. His peractis, si quis aduersus eos querelam habuerit, inquirendum erit, & auctoritate Romanæ sedis terminandum. Qui non à plebe, aut à vulgaribus hominib. sunt arguendi, vel accusandi, licet sint inordinati, quia pro meritis subditorum disponitur à Deo vita Doctorum. Item inferius. *Si qui sunt vituperatores, aut accusatores Episcoporum, vel reliquorum sacerdotum, non oportet eos à iudicibus Ecclesie audiri, antequam eorum discutatur aestimationis suspicio, vel opinio, qua intentione, qua fide, qua temeritate, qua vita, qua conscientia, quoue merito, si pro Deo, aut pro vana gloria, aut inimicitis, vel odio, aut cupiditate ista presumpserint, necne? Hac omnia sunt perscrutanda & diligenter pertractanda.* Deus enim, vt nos à præcipitata sententiæ prolatione compesceret, quum omnia nuda sint & aperta oculis eius, mala tamen Sodomæ noluit audita iudicare, priusquam manifestè agnosceret, quæ dicebantur. Hic etiam decretum statuit de non iniuriandis, aut lacerandis Episcopis.

1. Cor. 7.

2. q. 7. c. si qui.

Hebr. 4.

Genes. 18.

## CAP. VII.

## S. ALEXANDER.

A. CXXI.

a epi. 1. ad omnes.

3. q. 4. c. hi qui.

**A**LEXANDER, natione Romanus, ex patre Alexandro, de regione caput Tauri, sedit annos 10. menses 7. dies 2. Fuit autem temporibus Traiani vsque ad Helianum & Veterem. Hic martyrio coronatur 5. nonas Maii. \*Hic præcepit de sacerdotibus non vexandis, aut scriptis ab eis vi aut metu, aut fraude aliqua non exigendis, ita dicens in epistola, quam omnibus orthodoxis Episcopis per diuersas prouincias commorantibus scripsit. *Eorum accusandi Episcopos, vel testificandi in eos vocem obstruimus, quos non humanis, sed diuinis actibus mortuos esse scimus.* Et inferius. *A prædecessoribus nostris inhiberetur legimus, vt nemo constringat Doctores, neque accusatio-*  
nem.



nem aduersus eos suscipiat. Item paulò inferius. Statuentes decernimus, omnes, qui sanctos Patres persequuntur, aut amouere vel dilacerare nituntur, manifestè infames esse, & alienos à limitibus Ecclesie vsq; ad satisfactionem fieri. Item in eadem inferius dicit; Similiter, si huiusmodi personis quadam scriptura quoquo modo per metum, aut fraudem, aut per vim extorta fuerint, vel ut se liberare possint quocung; ab eis conscripta vel laborata fuerint ingenio, ad nullum eis præiudicium aut nocumentum prouenire censemus, neque ullam eis infamiam, aut calumniam, aut à suis sequestrationem bonis unquam auctore Domino, & suis Apostolis, eorumq; successoribus sustinere permittimus, quia confessio in talibus non compulsa, sed spontanea fieri debet. Pessimum est enim de suspitione, aut extorta confessione quenquam iudicare. Præcepit & in eadem, vt in consecratione corporis & sanguinis Domini eius passio sit commemoranda. & vt aqua cum sale benedicatur, & in domibus fidelium aspergatur, & fidem sanctæ Trinitatis, sicut à Patribus acceperat, ita scripto suo nos edocuit. Hic ordinauit Episcopos 5. presbyteros 6. diaconos duos.

## CAP. VIII.

## S. SIXTVS.

A. CXXXII.

SIXTVS, natione Romanus, ex patre Pastore, de regione Viata. fedit ann. 10. menses 2. diem vnū. Fuit autem temporibus Adriani, vsq; ad Verum & Anniculū. Sub quib; & martyrio coronatur 3 Non. Aprilis. <sup>a</sup> Hic in decretis suis monendo præcepit fidem rectam, & ab Apostolis traditam inconcussè seruandam, qua ipse nos, scribēdo instruxit. <sup>b</sup> Præcepit etiam, vt sacra vasa non tangerentur, nisi ab hominibus ad hoc officium Deo sacratis. Hic constituit, vt quisque Episcopus aliqua aduersitate pulsatus licenter appellet Romanam & Apostolicam sedem, & illuc vocatus, venire non renuat. nec inde absque Apostolicis litteris ad propriam redeat, vt vicini sui ex hoc intelligant, qualiter ibi suam, aliorumque causam finierit. Constituit etiam, vt nemo Episcopū suis rebus exspoliet, aut à propria sede expulsus excommunicare, aut diiudicare præsumat. Hic ordinauit Episcopos 4. presbyteros 11. diaconos 3.

## CAP. IX.

## S. TELESOPHORVS.

B 3

TELE-